


2015-imi pisortat aningaasaqarnerat

2015-imi pisortat ingerlatsinermi aningaasaateqarnermilu aningaasartuutaat 10,1 mia. kr.-t angusimavaat. Taakkunannga 29 pct.-it inunnik isumaginninnermut aammalu 19 pct.-it ilinniartitaanermut atorpeqarsimapput

2015-imi pisortat ingerlatsinerannut sullissinerannullu 10,1 mia.kr.-t ingerlatsinermut aningaasaatillu aningaasartuutaannut atorpeqarsimapput. Tamanna 2014-imut naleqqiullugu 17 mio.kr.-nik imaluunniit 0,2 pct.-inik annikinneruvoq. Titartagaq 1. malillugu inuiaqatigiit illersugaanerat agguaqatigiissillugu 29 pct.-iulluni pisortanut annerpaamik aningaasartuutaasimavoq tulliullugu ilinniartitaanermi aningaasartuutit agguaqatigiissillugu 19 pct.-iusimalluni.

Titartagaq 1.

2015-imi pisortat ingerlatsinermi sullissinermilu aningaasartuutaasa agguanneri



Tamanna saqqummersitami "2015-imi pisortat aningaasaqarnerat"-ni Kalaallit Nunaanni Naatsorsueqqissaartarfiup saqqummersitaani takuneqarsinnaavoq. Saqqummersitaq Naatsorsueqqissaartarfiup nittartagaa www.stat.gl iserfigalugu atuarneqarsinnaavoq pdf-inngorlugulu aaneqarsinnaalluni.


Pisortat aningaasaqarneranni ilinniartitaanermut aammalu inuiaqatigiit illersugaanerannut aningaasartuutit nunani avannarlerni tamani suliassaqarfiupput pingartinneqartut. Aningaasartuutit 2015-imi Kalaallit Nunaanni innuttaasut amerlassusaannut naleqqiullugit naatsorsoraanni

innuttaasumut ataatsimut ilinniartitaanermi 35.114 kr.-t aammalu inuaqatigiit illersugaanerannut 52.295 kr.-t atorpeqarsimapput.

Ataani titartagaq 2. malillugu taamaalilluni Kalaallit Nunaata innuttaasumut ataatsimut ilinniartitaanermi aningaasartuutai nunanut avannarlernut allanut naleqqiullugit malunnartumik malunnartumik annertunerupput. Sanilliukkaannilu Norge 31.625 kr.-nik aammalu Danmark 25.773 kr.-nik innuttaasumut ataatsimut 2012-imi aningaasartuuteqarsimapput.

Innuttaasulli illersugaaneranni inissisimaneq killormoorpoq. Tassani kalaallit innuttaasumut ataatsimut aningaasartuutaat nunanit avannarlernit tamanit, Island minillugu, qaangersimaneqarput. Titartagaq 2. malillugu 2015-imi Kalaallit Nunaanni innuttaasumut ataatsimut 52.295 kr.-t atorpeqarsimasut 2012-mi Norgemi 100.596 kr.-t aammalu Danmarkimi 82.576 kr.-t atorpeqarsimapput.

Titartagaq 2. Nunani avannarlerni pisortat inummut ataatsimut ilinniartitaanermit isumagaginninnermullu aningaasartuuttaat



Najoqqutaq: 2015-imi pisortat aningaasaqarnerat (Kalaallit Nunaanni) aammalu 2015-imi Nunat Avannarliit Ukiumoortumik Paasisutissaat (nunat allat).

Nalunaarut: 2015-imi kalaallit Nunaanni innuttaasumut ataatsimut aningaasartuutit, 2013-imi Savalimmiuni, 2014-imi Islandimi aammalu 2012-mi nunani allani.

Uuttuut: Innuttaasumut ataatsimut koruunit.

Saqqummersitaq ”2015-imi pisortat aningaasaqarnerat” pdf-inngorlugu aaneqarsinnaavoq Naatsorsueqqissaartarfiup nittartagaani: www.stat.gl -imi.

Annertunerusumik paasisaqarnerorusuttut Naatsorsueqqissaartarfiup ittuanut Anders Blaabjerg-imut oqarasuaat (toqqaannartoq) 34 57 81-imut sianerlutik saaffiginnissinnaapput.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse

Anders Blaabjerg

E-mail: ABLA@stat.gl

Pisortat aningaasaqarnerat

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

